

讀史方輿紀要卷十七

嵩山顧祖禹景范輯著
南昌彭元瑞芸楣校定

錦里龍萬古變堂校刊

直隸八

永平府

東至山海關一百八十里南至海峽百六十里西至順天府薊州三百里北至桃林口六十里東北至廢營州六百九十里自府治至京師五百五十里

古冀州地有虞時分為營州地夏仍為冀州地商時

為孤竹國周屬幽州春秋時為山戎肥子二國地戰

國屬燕秦為右北平遼西二郡地漢因之

漢志右北平郡治平

岡道在今薊州北境遼西後漢亦為遼西等郡地三

國魏曰盧龍郡晉為遼西郡其後石勒慕容皝苻堅

讀史方輿

卷十七

直隸八

一 敷文閣

相繼有其地後魏亦曰遼西郡兼置平州又分置北

平郡高齊亦曰北平郡

以遼西郡併入

後周因之隋初郡廢

仍曰平州煬帝又改為北平郡唐武德二年復曰平

州天寶初亦曰北平郡乾元初復故後唐同光初陷

於契丹仍曰平州亦曰遼興軍宋宣和四年得其地

亦曰平州

賜郡名曰漁陽又為撫寧軍節度舊志作泰寧軍悞

尋沒於金金初

升為南京天會四年復曰平州亦曰興平軍

貞祐三年嘗僑

置臨潢府明年降於蒙古

元曰興平府中統初曰平灤路大德四

年改曰永平路明洪武初曰平灤府屬山東行省明

年改隸北平四年又改府曰永平府永樂十八年直

隸京師領州一縣五

府西接薊門東達渝關負山阻海四塞險固春秋時

山戎嘗為燕患齊伐山戎以救燕莊三十年齊伐山戎蓋其地

控據高深直走燕都六驛而近方軌並轡無山谿關

隘之阻也燕并山戎至於遼東故能與山東諸侯爭

雄競長而長無東面之患秦取燕地拓境極於朝鮮

兩漢因之碣石渝關皆為內險曹操出盧龍平烏桓

其後司馬懿復取遼東建平州晉平州治昌黎在幽今大寧廢衛境內

冀益為完固及鮮卑競起盧龍四境皆為戰地中國

聲教不復達平營者數百年隋雖置州縣而荒畧未

讀史方輿

卷十七

直隸八

二

敷文閣

改及再出渝關伐高麗李密等謀據臨渝之險以拒

之豈非以中外咽喉渝關實操之哉唐以平營三州

制臨奚契丹而武后時契丹構釁平州首被其毒及

唐之末契丹益強劉守光據有幽燕契丹窺伺恒在

平州五代史梁乾化元年八月守光稱帝是日契丹陷平州燕人震動晉正存最雖

并有燕地而平州之守未固盧龍巡屬盧龍謂幽州也唐幽州節

度亦曰盧龍節度悉皆殘傲幽州城外戎騎充斥於是增列

屯戍蘆臺瓦橋蘆臺見青縣瓦橋見雄縣皆為重鎮論者謂中國

之不振無俟石晉割燕雲契丹入大梁之日而其兆

已成於同光天成之世矣五代史梁貞明三年契丹得平州以晉降將盧文進

為盧龍節度使守其地每帥奚騎歲入北邊殺掠吏民既而晉王復取平州同光初再為契丹所陷天成初盧文進帥所部來降明年契丹復遣兵戍守三年契丹將張希崇亦帥所部來降而平州卒不能復有於是增置戍兵於幽易諸州以備之宋宣和中金人滅契丹宋欲得燕雲及平灤地金人曰平灤吾欲作邊鎮不可得也既而幹離不遂自平州入寇燕山不守蓋靖康之禍亦自平州啟之矣胡氏曰石晉割盧龍一道及鴈門以北諸州與契丹議者皆以為此自撤藩籬之始不知棄鴈門以北諸州猶有關隘可守漢建安喪亂棄陜北之地不害為魏晉之疆若割薊順諸州則地險全失矣然盧龍之險惟在營平二州間自劉守光僭竊

讀史方輿

卷十七

直隸八

三

敷文閣

周德威攻取契丹乘間遂失營平同光以後契丹南犯直抵涿易皆自平州而西也黃氏曰失營州淪關之險猶可恃失平州則幽州以東無復藩籬之限矣明朝都燕永平尤為門庭重地乃大寧撤防於前俺答滋釁於後所恃以坐制內外者惟在山海一關咽喉之寄可或忽哉

郭造卿曰郡負山抱海腹背踞踏而阻險設防實為中夏之門闕

盧龍縣

附郭古肥子國漢置肥如縣屬遼西郡晉因之

後魏亦曰肥如縣為遼西郡及平州治高齊屬北平郡隋省入新昌縣開皇十八年改置盧龍縣屬平州大業初為北平郡治唐武德二年又改為肥如縣劉昫曰平州治臨渝是年移治肥如又改

肥如城

府西北三十里應劭曰春秋晉滅肥子奔燕燕封之於此漢為肥如縣高帝六年封蔡

寅為侯邑後漢亦曰肥如縣永元九年鮮卑寇肥
如中平五年漁陽張純等叛屯肥如即此晉太康
六年鮮卑慕容容鹿寇遼西幽州帥敗廉於肥如其
後石趙得其地趙滅沒於慕容燕慕容合曰守肥
如之險是也東晉隆安二年慕容盛置幽州於此
義熙四年北燕高雲置幽冀二州鎮肥如宋元嘉
九年拓跋魏取其地為遼西郡治高齊廢郡入北
平郡以縣屬焉隋開皇六年省入新昌縣後改曰
盧龍縣唐初復曰肥如尋復為盧龍縣城邑改郡
城洪武四年因舊城修築易土以磚石景泰以後
相繼增修有門

新昌城即今府治漢置新昌縣屬遼東郡後漢因之
於此屬北平郡後齊為郡治隋改曰盧龍縣又朝
鮮城在府北四十里漢樂浪郡屬縣也在今朝鮮
境內後魏主燾延和初徙朝鮮民於肥如置朝鮮
縣并置北平郡治此高齊移郡治新昌并朝鯨縣
焉入

讀史方輿 卷十七 直隸八 四 敷文閣

海陽城 府南三十里漢置海陽縣屬遼西郡高祖封

縣魏土地記令支城南六十里有海陽城晉及後
魏仍屬遼西郡高齊廢郡又併海陽縣入肥如新
唐書馬城縣節古海陽城悞也五代梁乾德初契
丹阿保機掠定州望都民居於此因置望都縣金
大定七年改曰海山縣元省或曰漢海陽城在

令支城 在府東北春秋時山戎屬國也齊桓公北

伐山戎離支孤竹離支即令支之譌也漢置令支
縣屬遼西郡後漢因之晉省縣而城不廢永嘉中
遼西鮮卑段遼都於令支咸康四年石虎使其將
營州治焉其後慕容儁取令支置遼西郡太元十
年後燕將餘巖叛據令支慕容農擊拔之隆安五
年後魏將宿突干攻拔燕令支既而慕容熙復遣
兵攻取之置幽州於此義熙四年令支降於後魏
魏收志肥如縣有合支城又云太平真君七年令
支并入陽樂水經注濡水東南經合支故城舊志

云城蓋在遷安縣東也
漂榆津見滄州鹽山縣

樂安城

在府東南石趙築城置鎮於此胡氏日海陽

陽縣又遷牧城南分爲二水東北流謂之小濡水東

與新河故瀆合魏太祖北征蹋頓故道也晉咸康

六年石虎欲伐慕容皝合兵五十萬具舡萬艘自

河通海運穀數十萬斛於樂安城既而不果永和

初石虎復使其將鄧恒屯樂安治攻其爲伐燕計

燕王就使慕容霸成徒河以肅之是也樂安晉書

作安樂濡河即灤水也徒河廢縣見故大寧衛

孤竹城府西十五里世說湯十有八祀封墨胎氏孤

逃去管子齊桓公北征孤竹至卑耳之溪史記齊

桓公北伐山戎至於孤竹是也漢志注合支縣有

孤竹城括地志孤竹古城在盧龍城南十二里今

故蹟已不可考城或後人所築而冠以故名云○

長城在府北七十里劉昭曰肥如縣有長城或以

爲燕秦所築之長城即此地也郭造卿曰古長城

讀史方輿卷十七直隸八

紀要

在右北平遼西遼東諸塞外不應若此之近也

此長城似明初故址一統志悞以爲秦長城耳

遼西城在府治東杜佑曰盧龍縣東有遼西故城漢

西郡始治肥如後廢按漢置遼郡治且慮後魏遼

陽山

府東南十五里峰巒高聳下多溪谷一作嶂山

虎於此山之西麓有射虎石又南臺山在府南三

里一名印山以山形方正也○洞山在府西十五

里山產鐵有鐵冶在焉地志集畧肥水之西洞山

之北地稱險固是也或以爲卽古孤竹山水經注

敷文閣

孤竹祠在山上城在山側今山陰即古孤竹城志云孤竹山在城西北二十里其相近有雙子山孤竹長君墓在焉一名長君山又西有馬鞍山孤竹少君墓在焉一名少君山府西北二十五里又有圍子山孤竹次君墓在焉一名次君山皆洞山之支麓矣遷安縣志縣東十八里有圍子山圓秀如覆釜一名釜山即圍子山也又周王山在府西南二十里灤河中灤水夾流其下

桃林山 府北六十里羣山參差盤折險峻有桃林口曰甌山巔有洞穴志云桃林關城東百餘步有山高三里許懸巖聳峙日照之色黃如金或以為黃山也自此而東斥堠相次皆依山為險又有石門山在關北八里兩山如壁中有龍潭其南為羈隍嶺言羈旅者至此傍徨也又西北為鹿尾諸山則漸近塞外矣

龍山 府西四十里山勢蜿蜒其形似龍相近者曰赤峰又西北曰石崖兒連峰數十里北出為瓦礫諸山皆設險處也○部落嶺在府東十八里志云唐初居黑水部於此因名明建文二年遼東兵克昌黎燕將谷祥敗遼東兵於定流河又追敗之於部落嶺定流河在樂亭縣即灤河之別名

三陘 在府東北晉永安六年燕慕容雋伐趙使慕容霸出徒河軍至三陘趙將鄧恒棄樂安遁去胡氏曰魏收志海陽縣有橫山蓋卽三陘之地恐悞

黃麋谷 在府東南與碣石山西麓相近劉勰曰平州在府西碣石東碣石二戍與西碣石近者又有黃麋谷破石蓋碣石之譌也唐武后萬歲登封初契丹軍帥李盡忠等作亂寇檀州將軍曹仁師擊之為契丹所秀先進至黃麋谷寇復遣老弱偽降仁師等不設備輕軍爭入戰於破石谷敗沒谷蓋近昌黎

海 府南百六十里東入遼東西趣直沽南抵登萊風帆易達中多島嶼可以依阻有事時出奇制勝之道也志云海在幽平間者皆謂之溟渤東西浩瀚千有餘里

讀史方輿 卷十七 直隸八 敦文閣

灤河

外流西十里志以為即管子所稱卑耳溪也自塞
又東合於漆河歷灤州境下流入於海元大德五
年灤河肥如河與漆河溢衝北州城東西二處人
舊護城堤及東西南三面城墻橫流入城漂郭外
三關在城官民田屋殆盡乃築東西二堤備之蓋
灤河源遠流盛郡當其下流每虞橫溢也河渠攷
患而最盛者莫如大德五年自是以後史不絕書
至正四年為害亦甚延及明朝橫決不免一遇水
潦害輒隨之嘉靖三十八年平地水深數尺城市
可以行舟其漂田廬壞城郭者害不勝書也疏洩
矣餘詳大川

漆河

流在府城西門外源出塞外土人呼為烏填河南
城西為漆河與灤河合流而入灤州境自元
以來灤河為害與漆河俱溢者什之四矣

肥如河

府東二十里亦名濡河源出口北流逕部落
嶺又西流入於漆河志云肥如水在府北十

讀史方輿

卷十七

直隸八

七

敷文閣

盧龍塞

通典在平州城西北二百里水經注濡水東
南逕盧龍塞道自無終縣東出度濡水向
林蘭陁東至青陁盧龍之險峻坂縈折故有九崢
之名又有盧龍城魏武征蹋頓時所築也後漢紀
建安十一年曹操征烏桓出盧龍塞塹山堙谷五
百餘里後人亦謂之長塹東晉永和五年後趙石
遵篡立燕慕容霸勸其主雋乘亂進取雋曰鄴中
雖亂鄧恒據樂安兵強糧足今若伐趙東道不可
由也當由盧龍山徑險狹彼乘高斷要首尾
為患將若之何霸曰今東出徒河潛趣令支出其
不意樂安勢必震駭無暇禦我我可安步而前矣
雋因使霸自東道出盧龍以徒河慕輿于自西道出
塞雋自中道出盧龍以伐趙十年慕容雋遣將步
渾治盧龍道焚刊木石令通方軌刻石嶺上以紀

二里初上水關入城繞出下水關注漆數經水
患乃塞上關堰水繇北城外西行南流而入漆水
或曰即灤河之支流水經注所云小濡水是也又
沮水在府北源出塞外自遷安縣冷口關流入境
有大小二沮水南下流相合入於灤河一名盧
水舊志陽樂水西南入於沮水謂之陽日云

事功太元二十一年拓跋珪攻圍後燕王慕容寶於中山慕容會自龍城遣將庫儁官偉等赴援頓盧龍近百日不進後魏孝昌初杜洛周反於上谷幽州刺史常景等討之自盧龍塞至軍都關皆置兵守險高齊天保四年自將伐契丹至平安從西道趣長壑即盧龍也隋開皇三年幽州總管陰壽出盧龍塞擊高保寧於營州保寧走死宋宣和五年遼蕭幹初自燕京亡走奚王府稱奚帝旋出盧龍嶺攻破景州景州今薊州遵化縣也一統志今府西一百九里有盧龍鎮土色黑山似龍形即古塞云

桃林口關

府北六十里桃林山口也控臨邊塞屹為

桃林口關要地洪武十三年故元平章完者不花入營東二十里有燕河營西南去府五十里皆有小城軍士頓舍於此邊畧桃林口北十里有梳頭崖亦汎守要地自口以東曰梧桐谷重谷等口皆築城置戍處也又劉家營在府北五十里西至遷安縣亦五十里有城為戍守要地

讀史方輿

卷十七

直隸八

八

敦文閣

青山口

在府北桃林口東第四關口也東北至撫寧南至撫寧縣界臺頭營二十五里為戍守要地志云青山口而南有青山營其東有乾澗兒東勝等

砦又東即界嶺營矣邊畧青山口北二十里曰三嶺溝又北八里曰初子谷皆戍守處也○羅漢洞關西接青山口東連界嶺關有小城為戍守要地隆慶初蒙古土蠻入沙嶺羅漢洞大掠郡境即此沙嶺在遷安縣洽口關外

安山堡

府北三十里其相近者曰松崖堡又府西二十里府東三十里曰新羅寨又東五里曰雙望堡

嘉靖三十八年蒙古入犯至雙望堡即此以上皆民堡也

灤河馬驛

府南二里又盧峰口驛舊在府東六十里

遞運所舊在府東二里今并於灤河驛○十八里舖在府東建文四年遼東兵攻永平燕將谷祥過

小河拒却之於十八里舖小河即漆水也

遷安縣

府西北四十里西至薊州遵化縣百七十里西南至薊州豐潤縣百四十里漢肥如縣地遼僑置安喜縣於故合支縣金大定七年更置遷安縣於此元至元二年省入盧龍縣尋復置屬永平路今城周五里編戶二十九里

萬軍城

縣東三十里山巖突起頂有土城周圍二百餘步中有將臺遺址相傳唐太宗征高麗嘗駐軍於此今名帳房山又縣北二十里有龍紀城周二百餘步縣北四十里又有楊買驢城周五百步城冢記云俱遼聖宗時蕭太后所造楊買驢遼臣姓名司營築之事者

黃臺山

縣西南三里山多黃土其狀如臺灤水逕其下又西南十二里曰龍泉山山腰有泉亦曰聖泉○佛兒峪山在縣西南十七里其西曰棲峰北曰芝麻嶺又西南二十五里為松汀山高六十餘丈巉巖壁立峙沙河中山腰有山洞每洞可容二百人土人結筏縛梯而上以避兵

讀史方輿

卷十七

直隸八

九

敦文閣

要孤山

縣東北三里四無連屬屹然獨峙下有三里傳李廣守右北平曾駐師於此○蟒山在縣東北十五里以山形蜿蜒而名產鐵舊有冶

貫頭山

縣西三十五里三峰連屬如珠巉巖蒼翠其為四角牛心諸山連屬不絕○黃山在縣西五十里橫亘十餘里峻險可避兵魏收志肥如縣有黃山魏主濟太安三年將東巡詔起行宮於遼西黃山明年如廣寧溫泉宮遂巡平州至黃山宮疑即此山也下有灰窰峪一名乾糕峪有舊關砦遺址又西為崖兒山入遵化縣境

尖山

縣西北五十里羣峰攢列頂有石砦環以二泉其南有赤嶺有泉出焉亦曰赤崖泉即沙河之源也又南為血石嶺石河出焉經縣西三十里入於沙河○太平山在縣西北六十里有太平營南北兩山去營二里許灤河迴繞憑高可眺又西北十里為銀鑛山其相接者曰鶴鷹崖谷口僅容兩

馬又西北十里曰十八盤其間山谷崎嶇迴環旋

縣西北百十里曰十八盤其間山谷崎嶇迴環旋

轉皆隘口
所憑也

九山

縣西北百里下有九泉會流入於灤水或曰以
數十里為望龍岡連嶂凡十餘里又
有黃崖有鑛洞產銀砂下臨灤水

景山

縣西北百二十里高八里舊有二名南曰明山
嶺東為三屯鎮城嘉靖初帥臣馬永建諸葛武侯
及泰山寺於山上易名景忠山遠近祈禱踵至因
設官收稅以
充撫賞之費

都山

縣北百五十里高三十里周倍之一名馬都山
唐開元二十一年郭英傑與契丹戰於此敗死
志云山高寒聳秀其水中分東歸渝西歸灤而入
海為盧龍之鎮山上多材木探之可備器用都山
之西峰巒相屬者曰蕎麥山○勒馬山在縣西北
百七十里激河之陰萬歷中帥臣戚繼光改名壽
星山東有五老臺蓮花峰西有平臺昔人避兵寨
也其南十五里為六寶山產銀礦徒走集於此又

讀史方輿
紀要

卷十七

直隸八

十

敷文閣

三十二窟山在縣西北百八十里袤五十里高七
八里盤折而上郭造卿曰遼澤州有神山九宮石

子嶺此山可以當
之因改名澤高山

分水嶺

縣東南二十里灤水逕其西漆水逕其東因
各其南與盧龍分界又牽馬嶺在縣西北八
十里陡峻難越行者恒牽馬而過因名志云縣西
北五十里有長嶺峯二峯南北夾峙通道所經下

有公館

灤河

在縣城西自薊州遵化縣流經團亭關諸川皆
每遇泛溢縣輒被其害○澈河在縣西北百里源
出口外有三源並導雨溢則深廣晴則淺涸合流
入遵化縣界龍井關一名強河以波流洶湧也至
趙家莊南二里合於灤河趙家莊志云在縣西北
七十里又恒河在縣西北百里源出塞外流經
三屯城北又東南流合於灤河縣西北九十里又
有長河合口外諸川亦南入於灤河志云長河即
水經注之黃維水也又有龍河在縣東北十七里

自塞外流入桃林口又南

沙河

涇縣界即漆河之上源

縣西北四十里匯諸山溪之水流入灤州界又還鄉河在出黃山西南流入豐潤縣界為便水之上源成化十七年議者欲於豐潤還鄉河通漕永平是也

劉家口關

縣東北五十里東接虛龍縣之桃林口關

王駢永平謀奔大寧諸將曰收大寧必道松亭關關門險塞恐難猝下燕王曰今從劉家口徑趨大寧不數日可達大寧拔松亭自潰矣遂引兵自劉家口而北大寧果下嘉靖三十六年蒙古犯冷口

轉攻劉家口我師敗績遂陷桃林營大掠縣境及

虛龍之雙望堡志云關西南十里劉家營東南

十里孤窰兒峪俱築城

洽口關

縣北七十里明初三衛貢道由洽口入有關城關內三十里曰建昌營嘉靖十年三衛部

紀要

讀史方輿 卷十七

直隸八

十一

敷文閣

長阿堆哈利赤數殺掠建昌及喜峯口太平砦一帶關為控禦要地自建昌營而東至燕河營五十

里西至太平砦六十里外十五里曰緇角山又有

北二十里曰黃岳山又北二十里曰逃軍山又有

擦都嶺在關西北二十八里其北十四里曰龍王

廟相近者曰奚河川沙嶺小鹽場諸處皆部落也

志云東方多事冷口常為出入之衝備禦最切○

河流口關洽口東第一關口也嘉靖三十六年蒙

古把都兒入犯陷河流口尋引去即此又更曰徐

流口關與劉家口關相接其南有徐流營俱築小

城戍

擦牙子關

縣東北七十里有關城景泰中朶顏嘗挾

嶺又西北十五里曰白石山又北三十五里曰峩石谷與靴兒嶺相接其間有瓦窰川俱戍守要地

○新開嶺關擦牙子東第二關口也又東曰五重

安關關南有五重安營又東南曰白楊谷關亦曰

白羊口俱有小城戍守邊畧云白楊口在縣北三

十里又北三十里曰五指崖又北曰白上嶺栲栳

山菜豆谷相去各十里其栲栳山相接處地名省
祭賊巢也由白楊谷而東曰白道子關東去建昌營
而接於冷口關郡志石門子關高七十餘丈
二十餘里東鰲山北其門天成七十餘丈

榆木嶺關

邊畧云西北七十五里有關城其西接青山口

青山營又東為爛柴溝大嶺若等口俱有城戍守
自關而北五十二里曰靴兒嶺又北四十里曰乾
河川近都山西麓又有古城嶺亦在口北二十里
皆沿邊守禦處○城子嶺關在縣西北九十三里

邊畧云青口東第四關口也關內三里十里有太
平砦亦曰太平營嘉靖十年三衛部長導北部入

寇犯太平砦官軍拒却之自城子嶺而東即擦牙
子關矣郡志城子嶺西南去榆木嶺二十里其間

山嶺崎嶇所
謂十八盤也

青山口關

遵化縣西北九十里此縣境之青山口也西接

十里嘉靖二十一年三衛部長導北部入犯青山
口又萬歷初朶顏長昂犯喜峰口戚繼光勒兵去

讀史方輿
紀要

卷十七

直隸八

十二

敷文閣

青山敗却之郡志大青山關在太平砦西六十里
迤西有橫山其北即遵化縣接境之董家口也又

西轉北出三里許為遊鄉山又西五里為勝嶺砦
又西為女山山峻拔其西為鐵門關關外有大潭

即喜峰之水○鐵門關在縣西北百里距關
二里即遵化縣界之李家谷口郡志關南十五里

為窟窿山山多洞穴高與鐵門關齊自洞口而西
十里為西山嶺即喜峰占松亭山也南行二十里

曰小喜峰又西南三里曰老子谷下為團亭砦灤
水由此流入境隔灤水而西為樓子山又南十里

為平山此皆與遵
化縣相出入處也

三屯營

縣西北百二十里景山之北城周四里邊畧

六十里舊為遵化縣忠義中衛戍守景泰中勅征
東大將軍駐此以備三衛其地與遵化縣接壤又

車前營在縣西北百五十里東北去遵化縣界潘
家口二十五里舊名漢兒莊郡志云遼人以南人

為漢兒置館於此設官司之金人謂之孩兒莊承
安三年升為灤陽縣屬惠州尋罷元人仍謂之漢

兒城明初置營於此隆慶初為三屯車營兵駐頓處因改今名又車後營在縣西北百六十里南至三屯營四十里西至漢兒莊三十里東北去喜峰口二十里舊名灤陽營郡志謂即遼所置灤河縣也縣屬澤州金廢明初置灤陽營於此隆慶初亦為三屯車營兵駐頓處改今名二營皆有土城戍守邊錄遵化北七十里至灤陽驛又五十里至富民驛灤陽即車後營矣富民驛詳見大寧衛會州城○建昌營在縣北四十里營城周四里其東十五里即徐流營也

七家嶺驛 縣南五十里其地有七家嶺因名相近者西灤河驛六十里至七家嶺驛又七十里即豐潤縣之義豐驛○沙河驛在縣南十五里有羅家堡又民堡也又新店遞運所舊在縣西六十里有羅家堡皆縣西六十里有新店堡西北六十里有羅家堡皆東北四十里曰孤莊又東北五十里曰河南大砦皆有公館為往來孔道

撫寧縣 府東八十里南至昌黎縣四十里東至遼東廣寧前屯衛百七十里漢驪成縣地屬右北平郡

讀史方輿 卷十七 直隸人 三 敷文閣

紀要 後漢省遼置新安鎮於此金大定末改置撫寧縣元至元初省入昌黎縣尋復置屬永平路今編戶十七里

撫寧城 志云縣舊治此明洪武十三年徙治縣西北化三年議者請復縣於舊治乃於衛東立

臨渝城 在縣東北漢縣屬右北平郡後漢因之晉省縣合為一城即今治也城周六里有奇

跋曰章武臨海舟楫可通出於遼西臨渝謂此也隋開皇初營州刺史高保寧與突厥沙鉢略合軍攻臨渝鎮大業中置臨渝宮於此十年復議伐高麗自涿郡幸臨渝是也隋志北平郡盧龍縣有臨渝宮蓋於故城置宮云○驪成廢縣

五花城 縣東百里山海衛治西南其城連環五座若大人城唐貞觀十八年議伐遼時築志云縣東有輪粟於古大人城是也或以為城蓋秦始皇所築

在縣南漢置縣於此後漢省縣入臨渝

大人城 唐貞觀十八年議伐遼時築志云縣東有輪粟於古大人城是也或以為城蓋秦始皇所築

輪粟於古大人城是也或以為城蓋秦始皇所築

又洋河城郡志云在縣東南十五里方圓六里又
有山西城在縣西南五十里皆府太宗征遼時所
築未詳
所據

臨渝山

縣東南三十里峰巒起高千餘仞下臨渝
者曰連峰山○雲峰山在縣西入於海山之東有雙峰
並時因名○雲峰山在縣東北五里有數峰相屬
綿亘如雲又橫山在縣東五里山勢橫亘如屏障
然又紫荆山在縣南二里下臨洋河麓有立石狀
如婦人魏收志海陽縣有

兔耳山

雲縣西七里即此二山也
容數萬人宋宣和五年張毅以平州來歸敗金將
閣毋於兔耳山明建文二年燕將谷祥敗遼兵於
部落嶺遂克兔耳山寨即此又虛峰山在縣西十
五里舊置驛於此曰虛峰驛今移驛入城有虛峰
舖又熊山在縣西北四十里山之陽曰白塔莊舊
產金又西接盧龍縣界○鵬崖山在縣西北三十

讀史方輿

卷十七

直隸八

十四

敷文閣

里怪石聳立旁峰平漫其東北面卓立如削因險
為砦周里許昔時避兵處也志云山在臺頭營北
營南有刀崖頂平可容千餘人惟北面有微徑可
陟號為絕險又西北五里有滴水崖高千丈旁為
麻塔谷山腰有石洞中有泉崖西五里有栲栳山
險絕有避兵砦志云縣西北五十里有栲栳山旁
為東勝砦又西北二十里為將

天馬山

縣北二十里本名馬頭崖巖突兀如控馬
入犯邑人多避兵於此萬歷中改今名又茶芽山
在縣東北二十里一名八角山又名九花崖頂有
洞泉出其中謂之聖水又東北十里曰羊角山高
峻有小城僅容三四百人上謂之南砦又東北
五里為塔子山上有碑浮圖名女兒塔隆慶初北
寇犯境邑人多避兵於此今有壘周里餘又偏頂
山在縣東北二十五里高插雲霄山半平漫半頃
可耕植號平臺隆慶初居民避兵於此亦得免皆
障也

裂頭山

縣東北九十里羣山環繞一峰高聳頂有收
東而尖出者為後裂頭山又石門山在縣東北百
里東兩環巨蹊徑扼塞亦曰石門峽相傳漢公孫
瓚敗烏桓處其西曰蕉果山山前為傍水崖內平
外險隆慶初北部黃台吉犯邊自此逸去帥臣戚
繼光伏兵邀之斬獲無算又西北有房山亦高峻
可避兵其相接者曰薄塘山中空峒下臨淳淵又
南為團雲山一名雲蒙山以山高接雲

角山

也邵志雲蒙山亦在縣東北九十里
角山脈自居庸古北喜峰諸山而東綿亘千里至此
聳峙如角長城枕其上為薊遼二鎮邊界山口有
淵深阻又西為攜馬山高聳壁立馬不能前有王
徑戊者多由此竄逸志云縣東北九十里又有王
旺山嘉靖三十六年產銀礦命官採取尋罷亦名
玉珥峪云○孤山在海關南六里屹然獨立俯
臨大海四面皆水稱為奇勝志云關南十里為瀋
兒海口關東六里為歡喜嶺一名愜惶嶺言戍遼

紀要

方輿

卷十七

直隸

八

敦文閣

者去而悲還而喜也關東八里海中有望夫石俗
名姜女墳又有秦皇島在關西南二十五里四面
皆水島居其中相傳秦始皇曾駐蹕

黃崖山

於此志云秦皇島在縣東三十里
黃崖山身崖深三四十丈石徑僅可容足又茶盆山
在縣東北百里石門之北峰高萬仞陵巒密沓深舊
志曰即箭筈嶺也五代唐同光二年契丹阿保機
襲叛夷軍於箭筈山宋宣和五年遼臣奚回離保
據箭筈山稱夷帝金人擊平之遼史遷州有箭筈
山是也其南去葦子峪十餘里俗呼背牛頂以山
後有石如牛云○馮家山縣東南二十五里兩峰
並峙結砦其上極險峻一名對嘴崖又牛頭崖在
縣東三十里形似牛頭海軍偵探戍守往往駐泊
於此即牛頭崖營也迤東為望海岡登此可以望
海又金山嘴島在縣東南四十五里山如鳥嘴半

海

入於海今設軍戍守○銀峒峪在
縣西南四十里舊出銀礦因名
縣東南六十里縣介山海之間地勢完固因置關
以扼其要道志云海自直沽新橋赤洋而東勢漸

北轉抵遼境為登萊金復一帶海面昔時運道既
關城東南十里今雖廢而餘迹猶存又戴家河海口
在縣東南四十里崇禎中由海運饋山海關此為
儲積之地并置戍守於此東去金山嘴二十里
渝河縣東二十里源出塞外廢瑞州境東南流至連
泥蒲河又南入於海漢志臨渝水首受白狼水水
經注白狼水經黃龍城西又東北出東流為二水
右水疑即渝水也西南循山逕一故城西世以為
河連城當即臨渝故城矣渝關之稱以關據河為

險也

陽河縣西一里源出口外別陀山一云縣北三十五
於此南流逕縣西又東南歷紫荆山下復南流而

入於海○溫河在縣東五十里源出口外孤石峪
旁有溫泉堡裂頭諸山之水匯流於此分為二支

石河在山海關西三里源出口外自義院口流入旁
西曰湯河東曰張果老河下流復合而入於海

讀史方輿

卷十七

直隸八

去

敷文閣

可履南流
注於海

山海關縣東百里本名渝關自古為戍守重地一統
始徙而東去舊關六十里謂之山海關或曰遼金

時以渝關為腹裏地故址漸湮今縣東二十里之
渝關乃其驛遞之所因渝關舊名耳明初修復故

關增置屯營其於金元時之渝關仍置郵驛今關
蓋漢唐舊址非明朝創建也郭造卿曰山海關即

故元遷民鎮元天歷初屢發兵戍守遷民鎮尋又
發平灤民墾遷民鎮既而上都兵自遼東入遷民

鎮其地險在此也據北番地理書遷州治遷民縣
在臨渝關東五十里南至高四丈有奇周八里有奇

外矣今關城甃以磚石高四丈有奇周八里有奇
月城二水關城三門回有池環之東面又

有夾池羅城特為險固餘詳重險渝關

明堽關堽志云在縣北唐會要平州有明堽關與臨
之衝○南海口關在南海關南十里濱海天啟二

年增設龍武營於此志云南海口東五里曰老龍

頭極衝也自南海口而西三十里曰秦皇島又西
十里曰白塔嶺皆濱海要地設兵戍守又有南水
關在山海關南二里

義院口關

縣北四十五里其西南十二里曰石喬谷
又南十三里曰石門寨東八里為長谷營
皆有小城戍守邊畧義院口北九十里地名常海
賊巢也又北二十八里曰三岔口又北三十五里
曰紅草溝景泰中梁顏來犯縣北之車渠莊官軍
擊敗之於紅草溝是也。水門寺關義院口東第
四關口也志云水門寺迤北為平頂谷城子谷等
關而東接董家口關又老嶺在舊邊外山陁險難
修邊牆萬歷初設敵臺於此志云老嶺在長谷口外二十餘里

界嶺口關

縣北七十里其東南十里曰雙嶺兒又南
十里曰郭家莊又十里即臺頭營也嘉靖
三十七年土蠻犯界嶺口官軍拒却之今有關城
為戍守要地邊畧界嶺口東十五里曰十八盤嶺
又東三十五里曰牛心山去義院口三十里又口
北十八里為梨花山又北六十里為茨兒山又北

讀史方輿

卷十七

直隸八

七

敦文閣

三十里曰紅石嶺皆朔騎出沒處也。○箭捍嶺關
在縣北界嶺口東第一關口也又東接雙岔谷星
星谷等關又葦子谷關界嶺口東第四關口也又
東歷細谷口花塲谷拿子谷等關而接義院口皆
有小城為戍守要地

董家口關

縣東北七十里關之東曰大毛山口關皆
築城戍守邊畧董家口北二十六里曰龍
潭又北十五里曰橫嶺又北五十五里為十字河
又五十五里曰長嶺又北五十五里曰大塲塲三
衛侵軼往往出沒於此。○小毛山口關董家口東
第三口也又東曰小河口又東曰大青山口又東
南曰黃土嶺關其西有黃土嶺營又歷廟山等口
而至一片石關志云黃土嶺關在縣東北百二十
里

一片石關

縣東七十里董家口東第十二關口也一
名九門水口有關城其北三十餘里曰大
小尖山又北三十餘里曰平漫川又十五里
北五十餘里曰平漫川又十五里有孤山自孤山

至遼東界三山營四十里南去一片石凡百六十
里嘉靖三十九年梁顏衛影克勾致把都克犯一
片石戍將郭琥敗却之近時一片石紅草溝一帶
屢被衝突防守最切邊防收一片石西有鐵鹿崖
稱爲險要又有一片石南至山海關北水關三道關南
寺兒谷三道關角山關旱門關北水關三道關南
云山海關北至一片石各二十里其相近者又有
亂石關諸關皆有小城戍守東面多事步步皆險
矣

臺頭營

縣西北三十里西至盧龍縣燕河營三十里
東至李家莊二十七里又平山營在縣東北

四十里西至李家莊三十里東至石門砦三十里
又七星砦在山西海西十里俱築城置兵於此○附
馬寨營在縣北五十里亦有小城戍守又甘泉
堡在縣東北西接星星谷關又東有溫泉堡

牛頭營

在縣東北西接星星谷關又東有溫泉堡
連峰山也又蒲井隨汲隨滿大旱亦然營之西南即
至戴家河四十里爲海口要衝近設官軍戍守

雜要

卷十七

直隸八

六

敷文閣

馬頭嶽寨

縣北二十里又有鷓鴣堂寨西北三十里曰鷓鴣
崖堡東三十里曰塔子山堡南三十里曰兔嘴巖

寨皆民堡也○盧峰口驛在縣城西又渝關馬驛
在縣東四十里遷安馬驛在山海關城西永樂初
自遷安縣移於此屬永平府又縣治東南有西關
遞運所山海衛治東

昌黎縣

府東南八十里東北至撫寧縣四十里西南至
樂亭縣九十里漢置交黎縣屬遼西郡後漢改

曰昌黎其地在今廢營州境五代梁末契丹以定州
停戶置廣寧縣於故柳城縣境兼置營州隣海軍後
徙縣治此屬平州金大定二十九年改爲昌黎縣元
至元七年省十二年復置屬灤州尋屬永平路今城
周四里編戶二十六里

象縣城

在縣北漢縣屬遼西郡後漢省入臨渝縣漢
志注象縣有碣石山一作揭石水又舊志云
縣西南六十里有靜安社卽故柳城郡城隋唐時
亦爲柳城治悞也唐書平州有柳城軍永泰元年

置或即此地元曰靜安堡
嘉靖三十一年置靜安社

碣石山

縣西北二十里山勢穹窿頂有巨石特出因
名即禹貢導河入海處也山之西為道者山

西南為鳳凰山置堡其上險可避兵志云縣北十

五里仙臺山即碣石之頂也其後曰觀音山臺前

峰巒層列曰鋸齒山南去縣十里迤東有嶺曰歡

喜嶺以羣峰蔽虧登此可以四望也臺之東曰龍

潭山去縣亦十五里舊有石磴百餘級隆慶三年

龍毀其半其東為西五峰又東曰東五峰泉壑秀

美蓋縣境諸山大抵皆碣石之支阜四圍環列

安山

縣西三十里志云山有避兵堡飲馬河經其下
又駐蹕山在縣西五十里舊志云唐太宗征高

麗還登此郭造卿曰疑後魏文成帝嘗遊此俗謬

以為太宗也○臨河巖在縣南八十里一名閣黎

洞壁立千仞頂分八字山腰有洞逼近深潭有小

徑可入容二百餘人旁又有小穴十餘皆幽勝又

南為磨山邑人多採石於此名白石店下臨淪河

讀史方輿

卷十七

直隸八

十九

敦文閣

溟海

縣東南七十里海至縣界突然北出七里而贏
亦曰七里灘廣袤三十餘里有菱芡魚鱉之利

居民賴焉志云縣南有黑洋河即海道也明嘉靖

中議由海道運天津倉米從黑洋河一帶抵昌黎

登所達山海關以給遼餉蓋自天

津循海而東皆曰黑洋河也

急流河

在縣城西一名西沙河河源出龍潭山下流合
飲馬河入海○飲馬河在縣南五里源出盧

龍縣界谿谷中流經縣西安山下又東流為沙河

至縣西十八里合深江又東南流至縣南八里

金人置虹橋跨其上又南合潮河而注於海志云

深江源出縣西北三十里派山下匯諸水而南

出縣西南十二里又有繞灣河源出縣西北五十

里茶牙山繞而南經安山東麓亦名安山河東流

入飲馬河

柳河

縣西二十里諸山谿之水所匯流也有柳河橋
跨其上志云鳳凰道者諸山之水分流為兩河又東至虹

橋皆會於飲馬河○潮河在縣南二十五里即縣

橋皆會於飲馬河○潮河在縣南二十五里即縣

境羣川之下流也滙上源諸水以達於七里灘一名馬家河志云縣南三十里又有甜水河亦流入於七里灘

蒲泊 縣南二十五里源出縣東二十里海眼山旁近諸山溪之水皆流合焉歷惠民塲東南而人於海志云蒲泊有鹽塲即惠民塲也在縣南二十八里

赤洋營 縣東南三十里有小城海濱防戍處也郡志蒲河口七十里西至野猪口二十五里又西至胡林河十五里皆濱海戍防處也自胡林河西三十里即樂亭縣之劉家墩矣

裴家莊堡 縣東二十里縣西三十里曰蛤泊堡六十里曰石谷莊堡與靜安堡皆民堡也○張角莊在縣東北二十里又縣西三十里有張家店皆往來孔道置公館於此

讀史方輿 卷十七 直隸八 附見 敦文閣

永平衛 在府治南洪武四年建又東城左衛在府治東北舊屬山西行都司永樂九年移建於此又盧龍衛在永平衛南永樂四年建

興州右屯衛 在遷安縣城內本置於口外大寧境內永建三年移建於此

撫寧衛 在撫寧縣北十里永樂三年建又山海衛在撫寧縣北十里永樂十四年所建也

灤州 府南四十里西北至順天府薊州三百二十里古孤竹國地戰國時屬燕秦屬右北平郡兩漢至晉俱屬遼西郡後魏因之隋屬平州唐亦為平州地五代唐時契丹分置灤州於此亦曰永安軍金元因之明亦曰灤州以州治義豐縣省入編戶六領縣一

日灤州以州治義豐縣省入編戶六領縣一

州控臨疆索翼蔽畿甸負山濱海稱為形勝契丹置
州於此所以厚渝關之防聯絡營平窺覬幽冀也其
後拱手而取燕雲女真襲其跡而宋室為之糜爛嗚
呼灤州之置此亦中外得失之機也歟

義豐廢縣 今州治漢海陽縣地屬遼西郡晉及後魏
因之高齊省隋為盧龍縣地唐為石城縣

地屬平州五代時契丹於黃洛古城置義豐縣
州治焉金元因之明初廢郡縣志黃洛故城殷時
諸侯國古史武丁析孤竹之地封功臣黃洛為侯
國又遼志云黃洛水北出盧龍山南流入肅水城
因以名今州城即遼故址也明景泰
二年築以磚石後相繼增修周四里

石城廢縣 今大寧廢衛境唐貞觀十五年始置臨渝
縣萬歲通天二年改曰石城縣屬平州五代時契
丹改屬灤州金因之元至元二年省劉昫曰貞觀

讀史方輿 卷十七 直隸八 五 敷文閣

紀要

中於故臨渝城置臨渝縣杜佑曰平州西北至石
城縣百四十里似非臨渝舊城矣遼志云唐石城
縣在灤州南三十里遼徙置以就鹽官又在故縣
南五十里蓋遷徙不一非復舊治也今開平中城
衛置於此即
遼舊縣治

馬城廢縣 州西南四十里本盧龍縣地唐開元二十
八年置縣以通水運仍屬平州通典平州
西南至馬城百八十里則舊城又在其西南也遼
亦曰馬城縣改屬灤州金因之元至元四年省今

有馬城堡在州東南三十里蓋因舊名非即故城
也○陽樂城在州東漢置陽樂縣屬遼西郡後漢

為郡治魏氏土地記海陽縣西南有陽樂城是也
或曰陽樂在今大寧廢衛境後魏遷治於此亦屬

遼西郡東魏
省入海陽縣

橫山 州北四里聳列如屏州人鑿其崖以達府為往
來捷徑東麓臨灤河石立水激有潭極深號偏涼

涼汀正德十三年車駕東巡觀漁於此志云偏涼
汀舊漕運泊舟處也懸崖有徑亦正德中所鑿後

擁榆山宛如重屏前二里為紫金山亦聳秀以庇
赤石脂而名郡志云紫金山在州北三里背橫面
巖襟灤帶沂州之勝也○巖山在州南五里狀如
虎踞其東絕壁百仞有洞十有八其三洞最大而
深在絕壁間攀緣莫上下有石橋一郡水口也西
六里有蠶箔等峪又西有馬鞍諸山聯絡數十里
雙山揚頭山正德十三年駕觀魚於沂河嘗幸其嶺
又有土山在州西三十里又西五里曰洞山洞深
踞大雨迅驟能容數里湍亦名吞流山又西三十
餘里有九里長山林果茂密
其上為天井峪深險可避兵

清涼山 州西北五十里一名分水嶺與盧龍遷安分
界層巖疊嶂奇勝不一又西北二十里曰偏
山澗谷透迤草木叢茂土厚居繁有榛栗棗梨之
利山南五里曰下五嶺北五里曰上五嶺益引而
北峯巒環繞非
亭午不見人也

海州 南百三十里亦謂之潮河海水蕩潏延漫百餘
里即黑洋海口也州境羣川悉由此入海南望天
津東望山海為州境之巨防志云潮河東二十里
有蠶叢口一名林裏河亦曰交流河舊時海運多
避風於此

灤河 州東二里自盧龍縣流入境又東過樂亭縣入
於海元史泰定二年永平路屯田總管言馬城
東北五里張家莊龍灣頭舊築堤以防灤水兩南
達清水河至州南九十里公安橋皆耕屯地分因
霖雨不時灤水衝溢宜復修治從之蓋
灤水合眾流而入州境決溢常不免矣

清水河 州南二十里其流為龍溪河出州南八里
之暖泉流數里而伏二源並導一出州東南
二十里南開頭經樂亭縣緣洋口入海一出州西
南二十七里龍塘橋至蠶沙口入海郡志清河出
州西五里藁山一名五子洞伏而復出相傳
即秦漢時漕運故渠元時海運自遼東三岔河分
三道一出天津逕白河至通州一出娘官經糧
運河至蘆州一出蘆臺經黑洋河蠶沙口清河至
灤州明洪武八年賴川侯傅友德言永平運道山
鴉洪橋而東道里遠宜通清河灤河故道於是詔

津要

卷十七

直隸八

三

敷文閣

濬舊渠置閘瀦水以通漕運北合灤河達於府城
自府城而北以達於灤陽營尋廢萬歷初議行海
運言者欲自州東十八里灤河西岫王家溝引灤
水入清河導入王家坨再導使由艾家溝清溝下接
靳家河通交流河七十里入黑洋海口由海中三
十里至建通海口四十里至堂兒上海口又四十
里則大沽海口也出口入通州運糧白河又百里
則天津衛矣不果行蠶沙口即蠶叢口矣鴉洪橋
潤見豐

沂河

州西十二里志云大沂河源出盧龍縣界馬家
莊西南流迳州西北二十二里之佛住山又南

合於小沂河小沂河出州西北二十三里之烽火
山東南流經雙山下又南六里合大沂河至州西
南三十里合董家灣東南流經州西南十二里
里之芹菜山又南合蓮臺港下流入於清河

陷河

州南五里源出州西南五里于家泊匯大
家河一名小青龍河入海又州西南八十里為靳
家河在州西百二十里其上游曰館河自遷安縣

讀史方輿

卷十七

直隸八

三

敷文閣

流入界經偏山南流合眾水又西入豐潤縣界合
於庾水又沙河在州西南九十里亦自遷安縣流
入界至此播為大水泊又西為小水泊又西入豐
潤縣界成化十七年管糧郎中鄭廉請自豐潤還
鄉河通漕永平說者謂由榆水還鄉河東導隄河
抵沙河通陷河而及清灤即運道所經也庾水非
灤所通沙河淤爛溢涸
不時所以隨行隨止

橫河

州北七里自盧龍縣流入界遶橫山之麓因名
又有別故河在州西北二里發源州西北廟兒

山東南流過巖山下又五里河在州南五里發源
州西劉官營東流經巖山下與別故河合下流俱
注於灤河又古懂河志云在州南四十里又
南合大田泊諸水匯於清河達絲洋入海

長春淀

在廢石城縣西志云在州西南百二十里舊
名大定淀金大定二十年改曰長春有長春

行宮亦金時所建也遼志州西北十五里有扶蘇
泉昔秦太子扶蘇北築長城嘗駐此蓋傳謠也泉
甚甘美亦曰甘泉

長春宮

在長春淀本名石城行宮金大定二十年如

榛子嶺

州西九十里近豐潤縣境金大定初世宗烏

此今為民堡萬歷中移置巡司於此又李家莊在

南四里曰獨莫城城南有田莊一名淳風屯又

亦曰姚頭社志云元屯田總管府於馬城縣諸

溫泉棚

在廢石城縣東北舊為戍守處唐廣德初中

之窮蹙自縊處欲北走奚契丹至溫泉棚追兵及

讀史方輿

卷十七

直隸八

三

敷文閣

茂鄉鎮城州志云古城在州西七里又播鼓臺在

濟民鹽場

在州西南志云府境有鹽場四俱屬於戶

海東極潮河接石牌鹽場西跨運河連豐潤縣越

支場亘百三十五里一曰石碑鹽場在濟民東七

十里距分司百四十里在今樂亭縣西南濱海亘

百七十里一曰惠民鹽場在石碑東百五十里距

分司二里一曰歸化鹽場在惠民東南百四十里距

樂亭縣

州東南九十里北至府城一百二十里東至

縣屬灤州元初置漢州治此州尋廢縣仍屬灤州今縣城周三里編戶二十七里

祥雲島

出縣西南四十里迫近海濱島中時有瑞雲湧
近者曰桑坨島志云縣雖無山而地勢原衍
胎甲隱匿河流通繞俯臨大海稱為沃野

月坨

在縣西南形如半月志云白線洋溝入海四十
植雉兔充斥水合時居民嘗射獵於此泮則掉艇
樵採為利甚厚又十九坨在月坨東大數十頃饒

海

縣南三十里亦曰溟海志云海水青黑而灤河水
色清碧入海五十里不涸亦曰綠洋溝溝去岍二

定流河

北三十里流逕縣東二十里南流入海謂之東灤
河景泰中淤塞俗謂之乾灤河定流河遂獨承灤

中淀河

縣東十五里流經縣東南十五里達四溝港
口河入海○清河在縣西三十五里一名西清河

新橋營

縣西南三十里有城周二里郡志新橋海口
營與昌黎赤洋營撫寧牛頭崖營為海口三營聯

志灤河

有劉家墩海防營近時濱海口二十里又西
至韭菜溝三十五里又西至清河口二十里又西

至高糜河

八里又西至灤州之
蠶沙口四十里皆有官兵戍守

讀史方輿
紀要

卷十七

直隸八

五

敷文閣

曹泊店 縣西南五十五里海中海水鹹苦店有泉獨

南入海八十里有昔時民居故址

胡家坨堡 縣東二十里又東十里曰黃瓜口堡縣西

北六里曰連北店堡西三十里曰新寨堡南三十里曰馬城堡皆民堡也

附見

開平中屯衛 在灤州西石城廢縣舊在口北大寧沙

嶺後移真定永樂初復移建於此城周四里撥遵化衛軍守禦

延慶州 東至四海治一百二十里南至居庸關五十里

西至保安州沙城界百里北至雲州上谷百三十里自州治至京師一百八十里

禹貢冀州地春秋戰國皆為燕地秦屬上谷郡二漢

讀史方輿 卷十七 直隸八 三 敷文閣 紀要

因之晉屬廣寧郡後魏亦為上谷郡地高齊置北燕

州 領長寧永豐二郡 後周曰燕州隋初因之 隋志開皇初二郡俱廢而州如

故大業初州廢改屬涿郡唐初為高開道所據武德

七年平亦置北燕州 開道將張金樹殺開道來降因置州以金樹為都督 貞觀

八年改置媯州天寶初曰媯川郡 治懷戎縣今宣唐

末又析置儒州於此五代晉初契丹得其地亦曰儒

州 又為縉陽軍治縉山縣 金皇統初州廢崇慶初復置鎮州旋

廢元屬奉聖州延祐三年改置龍慶州 仁宗愛育黎

於此 明初州廢永樂十一年復置隆慶州直隸京師

隆慶初改曰延慶州 編戶十領縣一

州介於山前後間由此南瞰居庸左撓虎北在州東

二百餘里則燕山失其固矣若乘轅北向列灤河之戍

平故衛空漠南之庭州實咽喉所也表裏關山拱衛陵

寢豈非郊圻重地哉

緡山廢縣今州治漢上谷郡居庸縣地唐為緡川縣

金州廢縣屬德興府元至元三年省入懷來縣五

年復置屬奉聖州延祐三年改屬大都路尋升縣

為龍慶州仍屬大都路明初州廢永樂中復置今

州城邑攷州城景泰二年因故址修築周四里有

奇萬歷七年復展修之今周五里有奇

上谷城在州北元和志戰國燕所置上谷郡城也史

記曰造陽在上谷杜佑曰造陽在緡川郡北括地

志上谷郡故城在懷戎縣東北百十里即此城也

近志云城在州西唐天寶中分懷戎縣置緡川縣屬

緡川郡契丹省入緡山縣

隆鎮衛城在州城南元大德中指揮使哲言不花所

上都相持隆鎮衛將幹都蠻以兵襲上都諸王兵

於陀羅臺大敗之陀羅臺或曰即今州治東北之

古臺也○虫尤城在州西南志云西北去懷來縣

六十里杜佑曰懷戎縣北有虫尤城又州東北二

十里有古城相傳遼蕭后所築

紅門山州東南二十里山高三里有大紅門口為

戰於阪泉之野創此山也亦曰阪山又歷山在州

紀要

谷秦漢亦為上谷郡地漢武帝元朔二年破匈奴

讀史方輿

取河南地亦棄上谷郡之斗解造陽地以與胡韋

卷十七

直隸八

直隸八

直隸八

直隸八

直隸八

直隸八

直隸八

直隸八

直隸八

直隸八

直隸八

直隸八

直隸八

直隸八

直隸八

直隸八

直隸八

直隸八

直隸八

直隸八

直隸八

瑞二年如廣甯登歷山祀舜廟又後魏主嗣泰常
七年至廣甯登歷山使使祀舜時蓋以歷山卽舜
所耕處也廣甯見保安州

官帽山

州北十八里狀如幘頭與懷來衛大海陞山
有洞南北通明如門又擎笏山在州北二十里峭
拔孤立狀如擎笏州東北二十五里又有金剛山
兩山對峙勢若相抗其相近者曰古城山

東螺山

州西北三十三里高七里許盤回而上又州
二十五里相傳秦始皇時王仲爲大鳥仙去處
卽變大篆爲隸書者其相接者曰小翻山又佛峪
山在州西北三十里山下有溫泉

八達嶺

州南三十里東南去居庸上關十七里爲往
來之衝要五代周胡嶠陷番記自居庸西北
入石門關關路狹隘一夫可以當百此中國控扼
契丹之險或以爲此卽石門關也元人以此爲居

讀史方輿

卷十七

直隸八

天

敷文閣

庸北口上有城設官兵戍守山水記自八達嶺下
視居庸關若建瓴若闕井昔人謂居庸之險不在
關城而在八達嶺也○橫嶺在州南四十七里當
居庸之西北亦寇門也嘉靖中俺答由此入犯今
設兵戍守

媯川

州東十五里自永寧縣流入界一名東川宋淳
化二年契丹主隆緒至儒州獵於東川卽此西
流至懷來城東南又西流至保安州境入於桑乾
河俗名清水河志云媯川卽古之阪泉今名韓家
川與天壽山咫尺其地可屯十萬衆設險處也

沽河

州城合媯川而注於桑乾河
於溪河溪河自永寧縣團山發源流經州界至
州城南合媯川而注於桑乾河

澗河

州南三十里源出八達嶺東四里有青龍橋
於榆河○玉液泉在州城西南元時取以造酒因
名其水西流入清水河又白馬泉在州北二里其

深莫測旁為白馬村宋端拱二年契丹
主隆緒至儒州祭風伯於白馬村是也

柳溝營 州東南十五里嘉靖中築南山一帶土城東
起永寧縣東火燄山西抵保安州東南河合

口置城於此設兵驛守其東北沿邊一帶日諱砲
見韓家口海口邊防柳溝城創自隆慶初周三百
大小紅門口邊防柳溝城創自隆慶初周三百
五丈有奇而闔家莊
為緩急守禦之要地

岔道口 州南二十里志云自八達嶺而北地稍平五
里至岔道有二路一自懷來衛保安州歷榆

河土木鷄鳴三驛至宣府為西路一自延慶州永
寧衛四海泊為北路八達嶺為居庸之際吭岔道
又入達之藩籬也宣德五年巡邊駐蹕岔道明日
獵於岔道與程記岔道口北行二十二里至州西
行六十里至懷來衛之榆林驛嘉靖三十年築城
於此周二里有奇與南山聯為一邊其地逼臨山
險與居庸
之外衛

讀史萬輿 卷十七 直隸八 完 敷文閣

宏陽鎮 州西南三十里唐武德六年高開道所部宏
陽統漢二鎮來降或曰二鎮蓋開道所置也

統漠鎮在州西南八十里即高開道所置鎮也一
統志云遼王遊幸嘗張大幙於此因名為統幙誕
矣俗訛為土幕又為土木其地與保安州及懷來
衛接界今詳見懷來衛

蟒山寨 州東南二十里蟒山上山形如蟒頭置寨其
嶺又有招帖砦在州北二十里將軍山上皆

昔人據險避兵處志云州有屯糧堡二一在城西
半里一在城東二十里皆元時饋餉儲糧之所

永寧縣 州東三十里本縉山縣地明永樂十一年始置
今縣十五年築城置戍宣德嘉靖中屢經修治

城周六里有
奇編戶五里

團山 縣西北十五里巍然獨立本名獨山縣之至山
也志云縣西北十里有多景山亦高秀又縉陽

山在縣北十三里山下有縉陽泉一名龍安山○
雙髻山在縣東北二十里絕頂有雙峰並峙狀若
髻然又神仙山在縣東北二十五里徑路崎嶇
岫其上平衍有神仙砦相傳遼金時所置

火燄山

縣東北百餘里與薊州邊接界志云山當宜

在縣東志云在四海治堡東三十里嘉靖中督臣

翁萬達言黑頭山至齊雲城百五六十里若為直

垣相屬則密雲西南至居庸數百里之邊皆腹裏

地矣又高山在堡北三里以高聳獨峙而名又堡

東南入里有龍爬山其東為驢鞍嶺又鎮南峰在

堡南三十里翁萬達言四海治有鎮南墩與薊州

邊所屬火燄墩接界僅三里餘築墻於

此可防寇衝火燄墩蓋在火燄山上

大石嶺

縣東北五十里又長城嶺在縣東九十里志

東灰嶺在縣東北十二里有澁石嶺一名塞石嶺又

嶺○紅土坡在縣東北二十五里又有白草坡在

縣西北十五里

一名嚼草坡

嬌川縣西十五里志云源出縉陽山流經此上有孤

河源亦出縉陽山下西流會於嬌

川志云龍灣河在縣西北十里

紀要 讀史方輿 卷十七 直隸八 三 敷文閣

溪河

縣西北十三里源出團山西南流至州城南合

於沽河志云縣西北二十里有神仙溪下流入

靖狐堡

縣西北五十里故外境也嘉靖三十五年新

築此堡周二里有奇北面阻山東西南三面

臨河稱為險要其東河溝無邊墻可據為極衝而

馬路南樓東水峪墩次焉邊外有黑牛山亂泉寺

許家衝屬皆駐牧處也邊防攷宣府東路參將駐

永寧縣分邊自四海治至靖狐堡長百八十里兼

轄懷來衛保安州一帶城堡凡十有七而黑牛山

大安山天屹力等處層崖疊嶂林壑深阻部落往

往駐牧 其中

黑漢嶺堡

在縣東南嘉靖三十年創築周二里有奇

其北有倉房二口兵衝也南距天壽山後

有鶯窩梁山險林密穴犯不易邊外曰白塔兒

牛心山皆屬部駐牧而堡東寧川墩為拒守處

周四溝堡

在縣北嘉靖十九年創築周二里有奇其

西北有黃土嶺西石河鎮口外山口諸衝

邊外則亂泉寺孤山鹹塲虎喇嶺諸處皆外境也而三岔馬道廟兒梁亦為沿邊拒守處○劉斌堡在周四溝堡西南山灰嶺等口之喉吭也萬曆三十二年設堡於此周一里有奇有擦獨口砲峪口等衝而防墩大鴉口其鎖鑰處

四海治堡

縣東百里元時往來上都恒取道於此明

等堡為宣府東路之衝有大勝嶺新興嶺將軍嶺長生口諸要口邊外有芍藥灣寶山寺為屬部駐牧處宏治七年徙永寧左千山所屯守嘉靖中邊臣許論言四海治上通開平大路下連橫嶺為三衛窺伺之地宣府東路要防也○黑峪口在縣北寇衝也口西為白草窰等處屬夸駝牧於此

附見

延慶衛

州東南四十里居庸關口本名隆慶衛建文

中前後五千戶所又有延慶左衛亦在居庸關本名隆慶左衛永樂二年置宣德五年移入永寧縣

讀史方輿

卷十七

直隸八

三

敷文閣

隆慶初更名

永寧衛

在永寧縣治西

保安州

東至延慶州岔道口百二十里西南至山西蔚

州府界泥州七十里自州治至京師三百里

禹貢冀州地春秋戰國時屬燕秦為上谷郡地兩冀

因之晉屬廣寧郡亦為上谷郡地後魏因之隋為幽

州地唐為媯州地光啟中置新州於此

幽州帥李匡威表置

後

唐為威塞軍治

五代梁乾化初晉王存勗置團練於

兼領媯儒武三州

石晉納於契丹改為奉聖州

武定

金大定初升德興府元初因之至元初復改奉

聖州屬宣德府尋改曰保安州至元三年以地震改各明初廢

永樂十三年復置保安州編戶七里直隸京師

州通道燕雲襟帶嬌蔚東顧則擾居庸之戍西出則

震飛狐之師若乘間捷出南越紫荊則畿輔之藩垣

壞矣蓋迫近門庭地勢阻阨山南之險以新武諸州

為捍蔽也唐末盧龍由此侵雲朔河東亦道此以併

幽薊乾寧初李克用拔武州取新州進攻至於女真

覆燕京蒙古畧冀北曷嘗不以州為馳逐之地歟

永興廢縣州西南四十里本漢之涿鹿縣地屬上谷郡後漢因之晉屬廣寧郡後廢唐末置永

興縣為新州治五代晉沒於契丹新州仍治焉金

讀史方輿卷十七 直隸八 敷文閣

俱廢永樂十二年置保安衛十三年復置保安州

以縣并入城邑攷舊州城永樂十三年修築景泰

二年改築新城於灤家站移州及衛治焉城周七

里有奇天順九年嘉靖四十四年皆加修治其舊

城在南山下嘉靖四十五年復修築周四里有

奇設官駐守謂之舊州城與新城互為唇齒

沮陽城在州東漢縣上谷郡益治此沮顏師古曰音

追至長城長城蓋在媯川北後漢仍曰沮陽縣晉

亦為上谷郡治太元十年慕容垂伐魏至平城疾

篤而還卒於上谷之沮陽後廢

礬山城州南九十里本漢軍都縣地唐置礬山縣於

三縣是也後沒於契丹仍曰礬山縣金因之元省

廣甯城州西北二百里漢置廣甯縣屬上谷郡西部

紀要

讀史方輿卷十七

直隸八

三

敦文閣

落城縣并入焉其城亦曰大寧城咸和二年後趙

石虎擊代王紇那於陘北紇那兵敗徙都大寧以

避之又太元中魏將奚斤等破越勤部於跋那山

西徙二萬餘家於大寧義熙十三年魏主嗣如大

寧長川宋永初三年魏主嗣自灑南宮如廣寧景

平二年魏主熹東巡大寧元嘉五年魏主熹如廣

寧觀溫泉明年復如廣寧臨溫泉又置宮於此大

明初魏主濬如廣寧溫泉宮北史魏太和十六年

祀舜於廣寧時又置大寧郡治焉水經注魏燕州

廣寧郡治廣寧縣即此孝昌以後郡縣俱廢高齊

改置長寧郡在今懷來衛陘北見山西重險勾注

跋那山見陝西榆林鎮○下落城在州西漢縣屬

上谷郡晉為廣寧郡治後魏仍屬上谷郡後廢又

置城亦在州西水經注大寧東有置城史記燕人

蔡澤謝病歸相秦號置城君疑即澤所邑世名武

涿鹿城在州西南漢縣屬上谷郡應劭曰黃帝與蚩

尤戰於涿鹿之野即此帝王世紀云黃帝與蚩

魏主嗣如濡源遂至上谷涿鹿廣寧是也後魏亦

屬廣寧郡後廢魏土地記下洛縣東南六十里有

涿鹿城西北百二十里有大寧城又軒轅城在州

東南四十里相傳黃

帝所築今名古城

寧縣城在州西北漢縣屬上谷郡為西部都尉治後

於上谷寧城領內附烏桓并鮮卑願內屬者西京

舊事武帝於益州部置護羌校尉皆持節領護降夷

烏桓校尉更置也晉時縣廢時謂之寧川義熙四

年魏主珪如豹山宮遂至寧川又謂之小寧城水

經注大寧城西二十里即小寧城杜佑曰小寧城

俗名西吐勃城在懷戎縣西北豹山宮見大同府

○茹縣城在州西漢縣屬上谷郡後漢省魏土地

安塞城

在州西北唐志安塞軍在蔚州之東媯州之

乾寧四年李克用以劉仁恭叛擊之攻安塞軍幽

州將軍單可及赴救別將楊師侃伏兵於木瓜澗

克用大敗而還木瓜澗宋初曰在蔚州界○藥師城在州東合河鎮志云宋宣和中郭藥師守燕山

磨笄山

州西北二十里史記趙襄子姊為代王夫人

亦名雞鳴山魏人為立祠每夜有野雞羣鳴祠屋上延河東流水北有雞鳴山文成帝保安常氏葬此別立寢廟太和五年始定制惟遣有司行事唐貞觀十九年北巡幸雞鳴山元至元三年如雞鳴山將獵於渾河不果明正統十四年五刺七先犯大同奄王振主親征駕次雞鳴山敵漸退伏塞外以誘我即此山也○保寧山在州西北六十里舊名白馬山其中洞穴穹窿有石如仰孟泉出其中僅斗計羣飲不竭志云元至元初以地常震始改名保寧

涿鹿山

州西南九十里一名獨鹿山涿水出焉相傳黃帝破蚩尤於此括地志懷戎縣東南五十

讀史方輿

卷十七

南隸八

三

敷文閣

里涿鹿山涿鹿城在其側黃帝邑於涿鹿之阿蓋謂此今山去懷戎縣頗遠括地志似悞

礬山

州西南百二十里有南北兩山出白繚礬因名唐置礬山縣於此金末為礬山砦金史興定四年以蒙古南畧命中都西路靖安民為易水公涿

易安肅奉聖州君氏川季鹿三學河北江礬山砦青白口朝天砦水谷懼谷東安砦隸焉君氏川以下其地皆在州境志云礬山一名礬石山涑水出焉水經注亦謂之涑山

喬山

州西南百二十里亦曰橋山上有黃帝祠後魏主嗣泰常八年如涿鹿登橋山遂如幽州是也

魏土地記下落城東南四十里有喬山下有溫泉北史神麈二年置溫泉宮於此水經注喬山下有溫泉能治百疾

鷓兒嶺

州西北四十里明正統末車駕自大同還至

夾攻殺掠始盡又州西有漫天窩金泰和中更名曰掃和中更名又州境有漫天窩金泰和中更名曰掃

雲坪

桑乾河

州西南四十里在舊城西一里自山西蔚州西北流入界州境土田資以灌溉東南入順天府境出西山至宛平縣西

寧川

在州西亦曰寧川或曰即故于延水今淤漢志注于延水出代郡且如縣塞外東至寧入沽水

水經注于延水經置城南又東北與寧川水合水出小寧城西北東流注于延水又東經小寧故城南而入沽水沽水劉氏曰當作治水即桑乾河矣○媯川在州東一名清水河自懷來衛西南流入境合桑乾河所謂合河也金時有合河鎮今亦名河合口為南山戍守處志云清水河在州西南三十里自延慶州流入

合洋河注桑乾似誤

洋河

州西南十五里自宣府界流入經州城西南又東南入於桑乾河

礮山水

州東南水經注礮山水出於廣昌縣閭鄉之樊石山東流歷覆釜山下又東至古長城門

綱要

讀史方輿

卷十七

南隸八

三五

敷文閣

注於易水蓋即涑水之上源也長城門見保定府安肅縣○二即溝在州西南八十里亦出礮山下居民資以灌溉東北流入於洋河又有龍池在礮山北二里水自平地湧出澄清可鑑瀦而為池溉田甚廣

火神淀

在州西宋白曰新州西有火神淀淀讀曰殿淺水為淀也五代周廣順初契丹主元欲謀

入寇諸部不殺契丹主於此既而諸部共推德光之子述律為主自火神淀入幽州是也

九十九泉

在州城下有九十九泉即滄河上源魏收

魏書天賜二年登武要北源觀九十九泉武要漢定襄郡屬縣也泉蓋在大同西北境宋白曰九十九泉在幽州西北千餘里五代周廣順初契丹謀會北漢兵入寇與諸部議於九十九泉諸部皆不欲強之使行至新州火神淀作亂殺契丹主遼志豐州境內有九十九泉何氏曰在新州西北○阪泉亦在州境晉太康地志涿鹿城東一里有阪泉招地志阪泉在懷戎縣東五十六里出五里至涿

鹿東北合於涿水亦各黃帝泉一旣志阪

泉今隆慶州阪山也蓋荒遠不可考矣

協陽關在州西南魏土地記下落城西南九十里有
州境也關廢○擔車砦在州西南水經注擔車水
出擔石硯東南流注紫石水又東注於涑水朱嘉
定十三年金易水公靖安民出丘至砦山取擔車
砦蒙古襲取其所居山砦安民之兵遂潰涑水即
砦山

寶峰川鎮在州東南其相近者有安樹寨豹狼峪莊

與涿州接界安治中撫臣周綱言寶峰川通宣府
要路三十八般分水嶺蕎麥川三者最急是也又
有謝家堡瞳甲土村諸處亦在州東南出北將軍石
南將軍石等口達於大龍門皆南山要隘也○固
城鎮在州南舊志唐媯州有固城鎮
與易州分界或曰鎮在懷來衛南

東八里堡州東八里又有西八里堡俱洪武二十五

年創築今設兵戍守與新城相犄角○長
直隸八

田屯堡在州東五十里卽州民居屯之所洪

武二十五年築隆慶四年增修設兵戍守

麻峪口堡在州南當龍門南口傍有紅站口諸險洪
有奇雖近內地而守禦最切邊防攷州東南百五
十里天津關口在州南百里與良鄉縣接界自口而
又天津關口在州南百里與良鄉縣接界自口而
西為黎園嶺口滑車安口皆去州百里又東龍門
口在州東南百口又州南百里有天門關口與房
山縣接界○馬水口在州西南百六十里接涑水
縣界其相近者曰石龍安口康家溝口狼
兒溝口定樂安口皆西南接紫荆關界

段莊在州東南唐乾寧初李克用攻幽州帥李匡籌
拔武州固新州匡籌遣兵馳救克用逆戰於段

莊敗之卽此○上花園在州西四十里又州西三
十里為下花園相傳遼蕭后棹花處今爲戍守之

附見

敷文閣

保安衛 在州治西北永樂十二年置本治舊城內景泰二年自舊城移置於此
美峪守禦千戶所 在州南百里接山西蔚州界本在衛治西景泰二年移置於此

讀史方輿
紀要

卷十七

直隸八

三

敷文閣

讀史方輿紀要卷十七終